

# VODIČ ZA STUDENTE



Human beings will find a balanced situation when they do good things not because God says it, but because they feel like doing them.

**OLOF PALME**

OLOF PALME  
INTERNATIONAL  
CENTER



### **Impressum:**

Publikacija se izdaje u okviru projekta „Uslovi stanovanja i življenja u Bosni“ koji predstavlja zajedničku inicijativu Udruženja stanara regije Aros Gävle iz Švedske i Centra za podršku organizacijama iz Tuzle (CENZOR).

### **Izdavač:**

Centar za podršku organizacijama (CENZOR)  
Ul. Turalibegova 22/105, 75 000 Tuzla  
[www.censorba.org](http://www.censorba.org)

### **Partner:**

Udruženje stanara regije Aros Gävle (Švedska)

### **Za izdavača:**

Jasminka Tadić-Husanović

### **Urednik:**

Mirza Hebib

### **Lektura:**

Jasminka Tadić-Husanović

### **Tiraž:**

2000

### **Štampa:**

Grafik Tuzla



## Uvod vodiča za studente

Sarajevo je glavni i najveći grad Bosne i Hercegovine. Njen je najveći urbani, kulturni, ekonomski i prometni centar, glavni grad Federacije Bosne i Hercegovine i sjedište Kantona Sarajevo.

Visoko obrazovanje u Bosni i Hercegovini baštini dugu tradiciju, usko vezanu uz razvoj Sarajeva i osnivanje Univerziteta u Sarajevu. Početke možemo vezati čak za daleku 1537. godinu i osnivanje Gazi Husrev-begove medrese u okviru koje su se proučavale tri tradicionalne discipline – teologija, pravo i filozofija. Gazi Husrevbegova biblioteka, u svojstvu pridružene članice, danas predstavlja najstariju instituciju u okviru Univerziteta u Sarajevu. Osnivanje Šerijatske sudačke škole (mektebi-nuvab) (1887), Vrhbosanske katoličke bogoslovije (1890), Sarajevsko-reljevske pravoslavne bogoslovije (1892), Zemaljskog muzeja (1888) i u konačnici Više šerijatske sudačke škole (1937), Sarajevo, ali i Bosna i Hercegovina uvedeni su u sistem visokog obrazovanja u savremenom kontekstu.



Danas je na području Kantona Sarajevo registrirana jedna visokoškolska ustanova kao javna ustanova i četiri visokoškolske ustanove kao ustanove (tzv. privatne visokoškolske ustanove). Javna visokoškolska ustanova je Univerzitet u Sarajevu, dok su kao ustanove registrirane: Univerzitet Sarajevska škola za nauku i tehnologiju, Internacionalni Burch Univerzitet, Internacionalni univerzitet u Sarajevu i Američka škola za ekonomiju. Prema podacima iz 2016. godine, Sarajevo je grad s oko 35.000 studenata.

Kao univerzitetski grad, Sarajevo pruža različite sadržaje neophodne za život studenata tijekom njihova boravka na studiju u Sarajevu. Ova brošura ima za cilj predstaviti odabrani paket informacija korisnih prilikom prvog nastanjivanja na području Sarajeva, te na taj način olakšati domaćim i stranim studentima njihov dolazak u Sarajevo.

# Gdje stanovati

## Smještaj u studentskim domovima

Javna ustanova studentski centar Sarajevo pruža usluge smještaja i ishrane studentima Univerziteta u Sarajevu.

Pravo na prijem u Studentske domove u Sarajevu imaju svi redovni studenti u Sarajevu čije je mjesto prebivališta izvan Kantona Sarajevo, a imaju osiguranu subvenciju od kantona, općine, federacije, distrikta ili neke druge državne jedinice.

Smještaj u studentskim domovima uključuje:

stanovanje prema kategorijama smještaja;

usluge grijanja;

korištenje električne energije (potrošači manji od 1 kW);

korištenje vode i ostalih komunalnih usluga;

korištenje sanitarne tople vode 6x sedmično;

mijenjanje posteljine 2x mjesečno;

korištenje multimedijalnih centara;

korištenje internet konekcije;

korištenje učionica, sala, biblioteka studentskih domova i dr.;

korištenje usluga kantina/menzi (studentskih klubova);

korištenje sportskih terena i rekvizita;

korištenje teretane;

korištenje vešeraja;

korištenje prostora za druge društvene aktivnosti;

dva topla obroka dnevno (25 ručkova, 25 večera u mjesecu).

# STUDENTSKI DOMOVI

## Studentski dom (SD) Nedžarići

Studentski dom Nedžarići nalazi se u općini Novi Grad sa smještajnim kapacitetom od 960 mjesta.

U sklopu studentskog doma Nedžarići nalazi se

- ☑ studentski restoran,
- ☑ kafe-pizzeria,
- ☑ park,
- ☑ sala za programe,
- ☑ multimedijalni centar,
- ☑ biblioteka,
- ☑ čitaonica,
- ☑ nogometno igralište,
- ☑ košarkaško igralište,
- ☑ dva teniska terena,
- ☑ sto za stoni tenis,
- ☑ kopirnica.

U sklopu svojih sadržaja SD Nedžarići svojim stanarima organizira brojna kulturno-sportska dešavanja, kao i mnogobrojne kurseve i predavanja iz različitih oblasti.

Mjesečni troškovi boravka u domu se kreću od  
154 KM do 169 KM.

## Studentsko naselje (SN) Bjelave

Studentsko naselje Bjelave nalazi se u općini Centar. Sastoji se od devet paviljona sa smještajnim kapacitetom od oko 1000 mjesta.

U sklopu studentskog naselja Bjelave nalazi se

- ☑ studentski restoran,
- ☑ kafe-bife,
- ☑ park,
- ☑ sala za programe,
- ☑ multimedijalni centar,
- ☑ biblioteka,
- ☑ vanjski amfiteatar,
- ☑ nogometno i košarkaško igralište.


U sklopu svojih sadržaja SN Bjelave svojim stanarima organizira brojna kulturno-sportska dešavanja, kao i mnogobrojne kurseve i predavanja iz različitih oblasti.

Studentski centar u sklopu Studentskog naselja Bjelave u toku ljetnog raspusta formira ljetnu recepciju, kako bi se u tome periodu omogućio smještaj studenata u toku trajanja ljetne škole i pripremne nastave za upise na fakultete.

Mjesečni troškovi boravka u domu se kreću od  
**154 KM do 169 KM.**



## Slike SN Bjelave i SD Nedžarići



## Prijave i stjecanje prava na studentske domove

Konkurs za prijem studenata u studentske domove objavljuje se **sredinom mjeseca juna i biva otvoren 30 dana.**

Studenti koji zadovolje uslove iz kriterija i ostvare pravo smještaja u studentskim domovima **obavezni su koristiti usluge doma od 15. septembra do 15. jula.**

### DOKUMENTACIJA ZA PRIJAVU U DOMOVE:

#### OBAVEZNA DOKUMENTACIJA

**(kompletnu dokumentaciju obavezno dostavlja svaki aplikant)**

1

Prijavu za prijem u studentski dom (prijave se popunjavaju online na WEB stranici Studentskog centra Sarajevo - [www.jusc.ba](http://www.jusc.ba), a dokumenti dostavljaju lično ili putem pošte na adresu studentskih domova Sarajevo);

2

Uvjerenje od visokoškolske ustanove da je redovan student u akademskoj godini, s prepisom ocjena o svim položenim ispitima (original);

2.a

Studenti master studija dužni su dostaviti prepis ocjena master studija na unificiranom obrascu uvjerenja ili obrascu fakulteta ukoliko sadrži sve elemente ovog uvjerenja (original);

#### **Napomena:**

kopije indeksa se ne primaju;

- studenti master studija čija se predavanja i završni ispiti završavaju u toku akademske godine, ne mogu konkurisati (osim ako uplate stanarinu za cijelu akademsku godinu).

2.b

Novoupisani studenti (brucoši) podnose ovjerenu kopiju svjedočanstva završnog razreda srednje škole;

3

Kopiju lične karte i originalnu CIPS-ovu prijavu ne stariju od tri mjeseca;

**\* Studenti strani državljanji dostavljaju ovjerenu kopiju pasoša ili lične karte**

4

Ovjereno Rješenje o administrativnoj zabrani dužnika na zabranu dijela plaće jemca za eventualno neizmirene obaveze studenta, proistekle iz osnova korištenja usluga studentskog doma, koju popunjava član uže obitelji koji se nalazi na kućnoj listi studenta aplikanta sa stalnim zaposlenjem ili drugo fizičko lice sa stalnim zaposlenjem kod pravnog lica (preuzima se na stranici Studentskog centra ili lično);

**Napomena:** Rješenje o administrativnoj zabrani, aktiviraće se u slučaju neizmirenja obaveza

**5**

Dokaz o uplati 10,00 KM za troškove obrade podataka. Uplatu izvršiti na transakcijski račun broj: 1610000004420010 kod Raiffeisen Bank dd u korist JU "Studentski centar" Sarajevo, svrha: troškovi obrade podataka. Studenti koji pripadaju kategorijama djeca šehida i poginulih boraca, te su bez jednog ili oba roditelja, oslobađaju se plaćanja troškova obrade podataka (dokaz o navedenom dostaviti uz ostalu obaveznu dokumentaciju).

**Napomena:**

Dokumentacija koje ne sadrži sve gore navedeno - ne uzima se u razmatranje.

**NEOBAVEZNA DOKUMENTACIJA****(dostavlja se za ostvarivanje dodatnih bodova)****1**

Uvjerenje o zajedničkom domaćinstvu (kućna lista);

**2**

Uvjerenje o ukupnim primanjima članova domaćinstva (roditelji odnosno staratelji) po osnovu:

- plaće (ovjerena od strane pravnog lica kod koga je član domaćinstva zaposlen);
- penzije (posljednji ček od penzije, original ili ovjerena fotokopija);
- druga primanja (ovjereno od Centra za socijalni rad ili drugog odgovarajućeg organa);

**3**

Potvrdu od Biroa za zapošljavanje o nezaposlenosti roditelja ili staratelja - original ili ovjerena fotokopija ne starija od šest mjeseci;

**4**

Potvrdu - uvjerenje o osvojenim nagradama na takmičenjima na kantonalnom, entitetskom, državnom i međunarodnom nivou - original ili ovjerena fotokopija ne starija od šest mjeseci;

**5**

Potvrdu od VŠU o studiranju brata/sestre, ukoliko studira van mjesta prebivališta - original ili ovjerena fotokopija ne starija od šest mjeseci;

**6**

Potvrdu o učešću u OS RBiH (roditelja ili staratelja) - provedeno vrijeme - original ili ovjerena fotokopija ne starija od šest mjeseci;

**7**

Potvrdu o stepenu invalidnosti izdatu od strane nadležne Komisije (lične, roditelja ili staratelja) - original ili ovjerena fotokopija ne starija od šest mjeseci;

**8**

Potvrdu o poginulim, nestalim i umrlim članovima uže porodice (roditelj-i, brat, sestra) izdatu od nadležne institucije - original ili ovjerena fotokopija ne starija od šest mjeseci;

**9**

Potvrdu o logoraškom statusu, ličnom ili roditelja odnosno staratelja - izdatu od strane Međunarodnog Crvenog križa - original ili ovjerena fotokopija ne starija od šest mjeseci.

U Sarajevu postoji i nekoliko privatnih studentskih domova. Više informacija o smještaju u okviru privatnih studentskih domova moguće je dobiti putem njihovih službenih web stranica.

a

Franjevački studentski dom (Zagrebačka br. 18, Sarajevo)  
[www.kruhsvetogante.com](http://www.kruhsvetogante.com)

b

Studentski dom Dr. Dragutin Dujmušić (Dr. Silve Rizvanbegović do br. 16, Sarajevo)  
[www.hkddsa.com](http://www.hkddsa.com)

c

Studentski dom „Izvor nade“ Sarajevo (Butmirska cesta br. 18d, Ilidža)  
[www.izvornade.com](http://www.izvornade.com)

## Zakup stana

Osim studentskih domova, studenti se odlučuju i za zakup stana tijekom studija. Sarajevo pruža vrlo široku ponudu nekretnina. Najjednostavniji način za pronalazak željene nekretnine jest pregled online oglašivača ili štampanih oglašivača u okviru dnevnih i sedmičnih novina.

### Okvirni pregled cijena smještaja u okviru privatnih nekretnina:

UŽE PODRUČJE GRADA	PROSJEČNA CIJENA
Općine Stari Grad i Centar	od 250 KM
Općina Novo Sarajevo	od 200 KM
Općina Novi Grad	od 150 KM
Općina Ilidža	od 200 KM

U cijene zakupa nisu uračunati troškovi mjesečnih režija – električna energija, voda, plin, internet i drugo. Cijene predstavljaju prosječni pregled, a ovisno o položaju i opremljenosti dolazi do određenih razlika.

Prilikom iznajmljivanja stana potrebno je zaključiti ugovor o zakupu. Riječ je o standardnom pisanom ugovoru. Iako ugovor o zakupu po Zakonu o obligacionim odnosima Federacije BiH ne podliježe obaveznoj ovjeri od strane nadležne institucije, preporučuje se ugovor o zakupu ovjeriti kod notara.

Zaključivanjem ugovora između zakupca i stanodavca mogu se zaštititi obje ugovorne strane. Ugovor im daje pravo da traže pravnu zaštitu na sudu, u slučaju nepoštivanja odredbi ugovora od jedne strane.

Obrazac ugovora možete naći na web stranici Centra za podršku organizacijama, klikom na link:

<http://www.censorba.org/wpcontent/uploads/2016/06/Ugovor-o-zakupu-stana.pdf>

## Pravno reguliranje prebivališta-boravišta

### Prebivalište

Prebivalištem se smatra mjesto u kojem se državljanin nastani s namjerom da tamo stalno živi. Prijavljivanje i odjavljivanje prebivališta, kao i adrese stanovanja obavezno je za sve državljane. Građanin je dužan nadležnom organu prijaviti svoje prebivalište u roku od 15 dana od dana nastanjenja na adresi na kojoj prijavljuje prebivalište. Državljanin može prijaviti samo jedno prebivalište na teritoriji Bosne i Hercegovine. Prijavljivanje i odjavljivanje prebivališta i boravišta vrši lice koje se prijavljuje odnosno odjavljuje, ili putem ovlaštenog zakonskog zastupnika.

### Boravište

Boravištem se smatra mjesto gdje se državljanin nastani s namjerom da tamo privremeno živi. Državljanin koji ima prijavljeno prebivalište u BiH može prijaviti boravište u drugom općinskom mjestu u BiH, a najduže do godinu dana bez prekida. Nakon isteka godine dana državljanin BiH može ponovo prijaviti boravište. Državljanin je dužan prijaviti adresu boravišta u BiH u roku od 15 dana od dana dolaska u mjesto boravišta, pri čemu zadržava prebivalište. Državljanin koji ima prijavljen boravak u inozemstvu, a nema prijavljeno prebivalište u BiH, dužan je prilikom boravka u BiH da prijavi boravište kod nadležnog organa u roku od osam dana, pri čemu zadržava prijavljen boravak u diplomatsko-konzularnoj mreži.

## Postupak

Za prijavu prebivališta, boravišta i adresu stana potrebno je dostaviti:

*(Za prijavljivanje i odjavljivanje prebivališta i boravišta, kao i promjene adrese stanovanja, ne plaća se taksa.)*

Zahtjev za prijavu prebivališta/boravišta i promjenu adrese stana (obrazac PBA-1 koji se dobiva na šalteru nadležne organizacione jedinice gdje se vrši prijavljivanje – u uredima CIPS-a)

Dokaz o identitetu, kojim se mogu potvrditi podaci iz zahtjeva (lična karta, izvod iz matične knjige rođenih, uvjerenje o državljanstvu)

Kao valjan osnov za prebivalište na adresi na kojoj se prijavljuju, smatra se jedan od sljedećih dokaza:

dokaz o vlasništvu ili suvlasništvu ili posjedu stana, kuće ili drugog objekta za stanovanje,

ovjeren ugovor o zakupu ili ovjeren ugovor o podstanarskom odnosu uz ovjeren dokaz o vlasništvu ili suvlasništvu ili posjedu stanodavca,

potvrda da se pred nadležnim organom vodi spor o vlasništvu, odnosno da je pokrenut postupak legalizacije ili uknjižavanja objekta, stana ili kuće na adresi na kojoj se prijavljuje,

kao valjan dokaz smatraće se i ovjereni izjava stanodavca da daje pristanak da određeno lice bude prijavljeno na njegovoj adresi,

bračni ili vanbračni partner ili srodnici, moći će da prijave prebivalište na adresi, samo uz prilaganje dokaza o bračnom ili vanbračnom stanju.



# ZDRAVSTVENA ZAŠTITA STUDENATA



JUKS Zavod za zdravstvenu zaštitu zdravlja studenata Univerziteta u Sarajevu pruža zdravstvenu zaštitu mladima sa statusom studenta Univerziteta u Sarajevu za vrijeme njihova školovanja (u periodu od 19. - 26. godine).

Primarni cilj Zavoda je očuvanje i briga o zdravlju studenata. Također, misija zavoda jest uspostava odnosa povjerenja i uzajamnog poštovanja između medicinskog osoblja i pacijenata te promocija zdravog načina života i brige o vlastitom tijelu i umu kod studenata. Zavod uz pružanje zdravstvene zaštite afirmira razvoj različitih edukativnih programa i sadržaja iz oblasti zdravstvene kulture.

Djelatnost Zavoda je pružanje usluga iz domena primarne i specijalističko-konsultativne zdravstvene zaštite studentima, koja obuhvata slijedeće:

provodi zdravstvene preglede studenata prije upisa na fakultete, visoke i više škole i akademije, kao i prilikom prijema studenata u kolektivne smještaje,

obavlja sistematske i kontrolne preglede studenata, kao i nastavnog i ostalog osoblja Univerziteta,

vrši kontinuirano zdravstveno prosvjećivanje i unapređivanje zdravstvene kulture studenata,





provodi specijalističko - konsultativnu zdravstvenu zaštitu studenata,

poduzima preventivne zdravstvene mjere praćenjem zdravstvenog stanja

studenata i higijenskih prilika u kojima oni žive i rade,

poduzima mjere za očuvanje i unapređenje zdravlja studenata,

sprovodi mjere zdravstvene zaštite žena studentica,

sprovodi mjere za sprečavanje i liječenje bolesti zuba i usta studenata,

organizuje i provodi prema potrebi kućno liječenje studenata,

vodi zdravstvenu statistiku i evidenciju ove populacione skupine saglasno zakonu.

**Adresa:**

Patriotske lige 36, Sarajevo

**Telefon:**

+387(0)33 200-663

**Fax:**

+387(0)33 251-871

**Web adresa:**

[www.zdravljestudenata.ba](http://www.zdravljestudenata.ba)

**E-mail:**

[info@zdravljestudenata.ba](mailto:info@zdravljestudenata.ba)

# GRADSKI PRIJEVOZ U SARAJEVU

U Sarajevu je gradski prijevoz organiziran kroz mrežu tramvajskih, trolejbusnih, autobusnih i minibusnih linija.

Tramvaj vozi od Baščaršije do Ilidže, a relacija se prelazi za oko 45 minuta vožnje (linija 3). Lijeva obala Miljacke pokrivena je trolejbusnom mrežom koja povezuje Trg Austrije i Dobrinju (linija 103). Vožnja traje nešto više od 30 minuta. Autobusi su veza sa dijelovima grada koji nisu povezani tramvajskim i trolejbusnim prometom, dok minibusi povezuju centar i padinske dijelove Sarajeva.

Studentima koji borave u Sarajevu data je mogućnost kupnje mjesečne karte za gradski prijevoz.

Cijena mjesečne karte za redovne studente iznosi **16,00 KM**

i uključuje mogućnost vožnje u okviru svih zona.



Kartu je moguće kupiti na prodajnim mjestima:

Ćumurija

Ilidža

Otoka

Vogošća

Dobrinja

### **Dokumenti potrebni za izradu mjesečne karte za redovne studente**

Potvrda o statusu redovnog studenta izdata od strane visokoškolske ustanove KS u kojoj je redovan student upisan u tom statusu

Popunjen obrazac «Prijava za subvenciju prijevoza redovnih studenata sa područja Kantona Sarajevo» koji studenti mogu preuzeti na web stranici Ministarstva prometa Kantona Sarajevo

Lična karta na uvid

Upisnica (indeks) na uvid

Jedna fotografija





## **BIBLIOTEKE I ČITAONICE**

Fakultetske, seminarske i katedarske biblioteke su užestručnog karaktera i skupljaju građu koja se odnosi na naučnu oblast koja se izučava na matičnom fakultetu ili katedri. Biblioteke najčešće korisnicima stavljaju na raspolaganje i čitaonice.

Univerziteti i fakulteti kao organizacijske jedinice posjeduju visokoškolske biblioteke. Njihov osnovni zadatak jest pružanje informacija potrebnih za studij, naučni, stručni i istraživački rad.

**Uz fakultetske biblioteke, studenti tijekom studija imaju mogućnost učlanjenja i korištenja još nekoliko biblioteka i čitaonica:**

---

NACIONALNA I UNIVERZITETSKA BIBLIOTEKA BOSNE I HERCEGOVINE  
Zmaja od Bosne br. 8b, Univerzitetski kampus, Sarajevo

BIBLIOTEKA SARAJEVA  
Mis Irbina br. 4, Sarajevo

GAZI HUSREV-BEGOVA BIBLIOTEKA  
Gazi Husrev-begova br. 46, Sarajevo

BOŠNJAČKI INSTITUT - FONDACIJA ADILA ZULFIKARPAŠIĆA  
Mula Mustafe Bašeskije br. 21, Sarajevo



# STUDENTSKI AKTIVIZAM I UDRUGE

U registar udruženja koji se vodi kod Ministarstva pravde i uprave Kantona Sarajevo upisan je veći broj studentskih udruženja. Neka od registriranih udruženja su:

Udruženje studenata Studentski parlament Internacionalnog Burch Univerziteta  
Francuske revolucije bb

Udruženje Studentski parlament Internacionalnog Univerziteta u Sarajevu  
Hrasnička cesta 15

Udruženje Studentski parlament Univerziteta u Sarajevu  
Obala Kulina bana 7

Udruženje Asocijacija studenata Akademije likovnih umjetnosti u Sarajevu  
Obala Maka Dizdara 3

Udruženje Asocijacija studenata Akademije scenskih umjetnosti Sarajevo  
Obala Kulina bana 11

Udruženje Asocijacija studenata Poljoprivredno-prehrambenog fakulteta  
Zmaja od Bosne 8

Udruženje Vijeće studenata Fakulteta za kriminalistiku, kriminologiju i sigurnosne studije  
Zmaja od Bosne 8

Udruženje Asocijacija studenata Fakulteta za saobraćaj i komunikacije  
Zmaja od Bosne 8

Udruženje Studentska asocijacija Filozofskog fakulteta  
Franje Račkog 1

Udruženje Asocijacija studenata Građevinskog fakulteta u Sarajevu  
Patriotske lige 30

Udruženje Asocijacija studenata Muzičke akademije u Sarajevu  
Josipa Štadlera 1

Udruženje Asocijacija studenata Pedagoškog fakulteta Sarajevo  
Skenderija 72

Udruženje Asocijacija studenata Fakulteta za javnu upravu u Sarajevu  
Patriotske lige 41

Evropsko udruženje studenata prava Sarajevo - ELSA Sarajevo  
Obala Kulina bana 7

Udruženje Vijeće studenata Ekonomskog fakulteta u Sarajevu  
Trg Oslobođenja - Alije Izetbegovića 1

Udruženje Asocijacija studenata Fakulteta zdravstvenih studija u Sarajevu  
Bolnička 25

Udruženje studenata ekonomije i menadžmenta AIESEC LC Sarajevo  
Trg Oslobođenja - Alije Izetbegovića 1

Obilje korisnih informacija, aktuelnosti i novosti možete pronaći na sljedećim web i Facebook stranicama Centra za podršku organizacijama (CENZOR), te Facebook grupi HOLICOB, posebno namijenjenoj studentima:



[www.holicob.ba](http://www.holicob.ba)



[www.censorba.org](http://www.censorba.org)



[www.facebook.com/censorba.org](https://www.facebook.com/censorba.org)



[www.facebook.com/groups/1608635899409329](https://www.facebook.com/groups/1608635899409329)

Ova publikacija je napravljena uz finansijsku pomoć švedskih Međunarodnih organizacija - agencije za razvoj i saradnju (SIDA) i Olof Palme međunarodnog centra (OPC). SIDA i OPC nisu učestvovali u pravljenju publikacije i odgovornost za sadržaj snosi Centar za podršku organizacijama.

 *Centar za podršku organizacijama*  
*Center to Support Organizations/CENZOR*



Hyresgästföreningen



Sida

OLOF PALME  
INTERNATIONAL  
CENTER



 Hyresgästföreningen

**OLOF PALME  
INTERNATIONAL  
CENTER** 



*Centar za podršku organizacijama*  
*Center to Support Organizations/CENSOR*



HOLICOB



Sida